

宋明理學家年譜

于浩輯



北京圖書館
出版社

9

于浩輯

宋明理學家年譜

第九冊目錄

邱文莊公年譜	一卷	(清)王國棟編		一
編次陳白沙先生年譜	二卷	(清)阮榕齡編		二五

邱文莊公年譜

鄉後學王國棟堯雲輯

公名濬字仲深號深菴學者稱瓊臺先生

案蔣文定湘皋集金

臺別意圖詩序云瓊山邱君再成宗伯深菴先生從子也是深菴爲公號瓊臺詩稟序云先生官禮部有侍郎掌國子監事天下之士不稱其官而稱爲瓊臺先生案蔣文定名冕字敬之公門人官至大學士謚文定粵西桂林府臨桂人明史有傳著湘皋集二十五卷公會祖均祿字朝章

號碩菴元帥府奏差之廣東瓊山始家焉系出福建

晉江縣德元廉訪照磨之後均祿生晉字思詒爲臨

高醫學訓科晉生傳是爲公父配李氏生子二長源

次即公公父早卒母年二十八矢志食貧顧復教誨

有孟母風天順丁丑旌表於朝後以公貴三代贈如

其官母封一品太夫人

案太夫人爲澄邁縣李奕周女其貞志苦節詳後彭時碑

銘居瓊城之西一里許下田邨公後名爲學士莊

案公

有下田詩

學士莊記

明永樂十九年辛丑十一月初十日公生

二十年壬寅二歲

二十一年癸卯三歲

二十二年甲辰四歲

洪熙元年乙巳五歲

宣德元年丙午六歲

案公自幼穎異讀書過目成誦甫六歲作五指山詩

矢口成章夙異絕倫識者知爲國器

見邱氏家譜與焦氏映漢公傳

案映漢關中人乾隆初雷瓊兵備道府志有傳瓊臺詩諧云先生少時曾作

瓊臺八景詩其首一章五指參天詩云五峰如指翠

相連撐起炎荒半壁天夜盥銀河摘星斗朝探碧落

弄雲煙雨餘玉筍空中見月出明珠掌上懸豈是巨

靈伸一臂遙從海外數中原其盥摘探弄等字及玉

筍見於空中明珠懸於掌上等句皆自指字中來而

撐起炎荒伸臂數中原二語意見於言外非但詠山

也蓋以先生今日所至言之尤足徵云

案瓊臺詩諧蔣文定編輯

詳註
於後

二年丁未七歲

案願豐軒記云七歲入小學 九月二十一日公父

卒家譜案公可繼堂記云洪熙改元先祖思諒公以臨

邑醫官滿考赴銓曹畱京師又明年是爲宣德丁未
先考學士公卒於家時先祖年五十九伯兄源甫十
歲濬七歲又藏書石室記云予生七歲而孤

三年戊申八歲

瓊臺詩話云七八歲時從大父往鄉間過道旁學館
適教者以鴈鴒爲題命學子作詩因屬先生作先生

卽口占以答之其中一聯云應與鳳皇爲近侍敢同
鸚鵡鬥聰明教者驚曰是兒年少如此而能作此詩
他日所就其可量乎遂加禮待之且每向人稱歎不
已

四年己酉九歲

瓊臺詩話云先生八九歲時社學師命作東坡祠詩
中一聯云兒童到處知迂叟草木猶堪敬醉翁冕叩
其全篇則曰歲久不復記憶

五年庚戌十歲

六年辛亥十一歲

七年壬子十二歲

瓊臺詩話云年甫十二即偶成唐律一首云絕島窮
荒面面牆偶從窗隙得餘光浮雲斂盡天還碧斗柄
初昏夜未央燕語鶯囀春在在鳶飛魚躍景洋洋收
來一擔都擔着肯厭人間歲月長其任重道遠之意
凜然於末二句十四字之間案詩話云濁海歌十餘
歲時作謂瓊臺藁中不
存今會藁有此詩蓋鄭篁溪編刻會
藁時據詩話所載以補入詳見下

八年癸丑十三歲

九年甲寅十四歲

是年郡垣大浸饑殍徧原野公祖普捨地爲義塚瘞

枯骸爲第一水橋等處封塋纍纍凡百餘所每遇清明必酒飯設奠幽明壽享期頤論者咸謂陰德之報

據公家譜

雜誌遺事亦云邱普之掩骨至孫位極人臣陰

德有後之說豈無驗歟

詳瓊山縣志卷三十

十年乙卯十五歲

正統元年丙辰十六歲

是年公思詒祖卒

案可繼堂記云兄年十有九濬

少兄三歲而先祖棄世時正統丙辰歲也

二年丁巳十七歲

公始習舉子業落筆爲文數千言立就買出倫輦

牛志

案牛天宿山東人康熙七年知瓊州府事始續脩瓊州府志十卷

三年戊午十八歲

四年己未十九歲

公補郡庠弟子員其時按察副使童貞拔取公文冠

一郡案貞浙江仁和人正統元年任貞府志通志俱作正公文集作貞當以文集爲是可繼

堂記云歲己未濬始補郡庠生藏書石室記云歲己

未補郡庠弟子員願豐軒記云十九補庠生

五年庚申二十歲

六年辛酉二十一歲

七年壬戌二十二歲

公補廩餼

案公譔鄭崇德基表云予偕試於按察

使副使王公瓊祐

瓊祐江西貴谿縣人正統六年任府志作增祐

時郡邑二

學試者毋慮數十人惟三人中式得預廩食之數三

人者予與崇德及今林憲副廷賓是也

案鄭崇德林廷賓俱瓊山人

廷賓名傑公同榜甲戌進士官至浙江按察使副使府志有傳

時肄業學宮有雁

自北而南集於學宮洿池之中作雁集瓊庠記又作

許文正公論其略云無能改於其俗必不能行己之

志許子則學道者以一世之功名而論許子固眾人

中之山斗江漢也若以萬世之道概焉恐不能以無

過耳雖然許子之自處者亦未必自謂至此一時爲

門人者尊之過其實後人因之又往往不之考焉此

予不能已於言也

案公之論出聞者駭愕然考元儒學案云文正請罷中書教國子時

劉靜脩亦以欺世自免謂之虞邵菴云文正沒後隨聲附影者謂脩辭申義爲玩物而苟且于文章謂辨疑答問爲躡等而姑因其師長謂無猷爲爲涵養德注謂深中厚貌爲變化氣質外以聾瞽天下之耳目內以蠱晦學者之心思雖其流弊使然然亦是魯齋所見只俱粗迹故一世靡而從之也據此則公之所論亦有

八年癸亥二十三歲

九年甲子二十四歲

公領鄉薦第一主試爲舒宗辰王來錄其五策傳誦

當時

案黃崇蘭明貢舉考略甲子科廣東主試舒宗辰徽州歙縣人題目首裁子張問仁章次裁知

斯三者節三莪江漢以濯之二句又攷公送王侍御
赴江西僉憲詩云予昔在場屋時感故大司空慈谿
王公鑒識於眾人中屈指今三十三年矣公既捐館
舍幸與公冢子御史鑰同朝今有僉憲江西之命於
其行也追和公舊所賜詩韻以送之公詩并識於此
五十人中弟一人人才華惟子獨超倫經明禮樂行文
健策對圖書究理真春榜英才期角勝夜窗螢火莫
辭頻從來顯達由稽古事業輝煌在此辰素慈谿王
公名來字原之慈谿人宣德二年以會試乙榜授新
建教諭累官至工部尚書明史有傳貢舉考略但載
舒宗辰王試而缺其一據公詩序知慈谿王公
爲甲子王試擢公弟一足補貢舉考略之缺 公可

繼堂記云甲子領鄉闈首薦藏書石室記云甲子領

鄉賢書願豐軒記云年二十有四領鄉解

增甲子科
鄉試題名

錄邱濬謝野亭鄭溟曾潤葉溥蘇慶科梁全張珪盧
榮曾賢盧瑞周鼎張助萬璋曾麟李文舉馮冕陳中
周敏邵輝鍾觀尹顯邱斌蔣濬白瑩鄒文蒙正陳斌
鄧琛潘本恭羅庸李真林端楊顯嘉蔣淵李靖蘇光

吳崇曾英周昇彭悌陳瑄陳紀林義彭郁梁直歐陽
麟王璉梁輦許倫劉芳案廣東中式五十人通志所
載是科定額
外加一人

十年乙丑二十五歲

十一年丙寅二十六歲

是年公娶崖州金百戶桂公之女 案公悼亡詩云

結髮六星霜歡會恰半歲又云同牢未周歲據此詩

作於三十一歲公二十七歲赴試春官不第留讀太

學至景泰二年再試不第歸省親遂有金夫人之喪

詩云結髮六星霜歡會恰半歲以時考之是年娶金

夫人無疑

又案公家譜金夫人生卒
失考此據公詩以補之

十二年丁卯二十七歲

是年公赴試禮闈過梅關有初過梅關詩題張丞相廟詩舟過鄱陽遙望鞋山因憶解學士弔李白詩戲作一首過采石弔李白諸作

十三年戊辰二十八歲

是年試春官名在乙榜得校官不就卒業太學祭酒蕭鎡深器之 案公尙約先生集序云正統戊辰濬

試禮部下第首見大司成蕭先生於太學先生西昌

人也濬時雜諸生中季試先生得所作特召以見且

加獎勵

案西昌今屬江西吉安府泰和縣蕭鎡字孟勤官至太子少師戶部尙書兼翰林院學士

自號尙約居士 又案是年陳文恭公會試禮部
中副榜亦告入國子監讀書詳見公乞終養疏

十四年己巳二十九歲

是年畱讀太學 案瓊臺詩話云先生自少有大志

故雖未登仕版而忠君愛國之情已略見於詩詞間

正統己巳車駕北狩先生作擣衣曲以寄意

詩見二十弓

又擬古作選詩四首

見十九弓

景泰元年庚午三十歲

案夜宿江館詩序云歲庚午歸至今陵寓新河客邸

鄉友馮元吉誦宋人周明老龜山迴文詩命予兩和

其韻以夜宿江館爲題明老詩云潮隨暗浪雪山傾